

66-111

66-111

R2-51
34-1a

醫學從衆錄卷五

閩吳航陳念祖修園甫著

次男元屏靈石參訂孫男心典徽校
蘭芝亭全校字

隔症反胃

隔者阻隔不通不能納穀之謂也又謂之隔食病在胸膈之間也上焦出胃上口主納中焦並胃中主腐化下焦別迴腸主濟泌此症三焦失職百無一生丹溪指為胃脘乾枯以四物湯八牛羊乳竹瀝蔗汁之類主之薛氏指為涕鬱傷肝肝木尅土以左金丸逍遙散六君子湯歸脾湯六味丸八味丸之類隨症開服易思蘭本此法以治氣隔晨吞八味丸百粒暮服暢衛湯開導其上滋補其下多效趙氏以此病多得之五旬以上腎水既乾陽火偏盛煎熬津液三陽熱結則前後閉滯下既不通必反於上直犯清道上冲吸門頂以六味丸料大劑煎飲久服可挽十中之一二然以余觀之隔症既成終無治法問曰既無治法豈真坐視其亡耶

修園曰即欲服藥亦不過盡人事而已吾鄉老醫某戶守程氏啟膈飲一湯始服頗效久不增病然而痰火鬱氣阻

近於上者亦藉為引導也已任篇專取陽明以左歸飲加生地當歸亦所以開胃門此門開則幽門小便利關門

此門開則大便潤之法也此數方之意皆仿於仲景大半夏湯用甘瀾蜜水之法而不知仲景取半夏以升降陰陽藉人參

以重生津液復得蜜之滋潤灌漑流通而阻隔之患乃免程氏以半夏耗液為禁豈知仲景麥門冬湯及此方之微旨哉

張石頑云古人指噎膈為津液乾枯故水液可行乾物梗塞為枯在上焦余竊疑之若果津液枯槁何以食饒下咽

涎隨上湧乎故知膈噎之間交通之氣不得降者皆衝脈上行逆氣所作也惟氣逆故水液不得居潤下之常隨氣

逆滯耳若以津枯而用潤下之劑豈不反益其邪乎宜六君子湯加減挾寒脈遲細者加肉桂附子挾熱脈數滑者

加枳實黃連若噎而聲不出者加五味子竹茹喉中有一塊食物不下者痰氣也加海石訶子膈間作痛多是瘀血

加歸尾桃仁韭汁童便甚者加大黃微利之千金五噎丸五膈丸亦可擇用按張石頑主於衝脈上逆誠千古灼

見亦從仲景大半夏湯悟出然謂潤下之劑反益其邪是因其涎沫之多而狃於見症之陋習也衝脈不治取之

陽明故仲景以半夏降衝脈之逆即以白蜜潤陽明之燥加人參以生既亡之津液石頑此論得其半而遺其半也

蓋人之胃中疊積如膏脂者謂之胃陰今因衝氣上逆口嘔出粘涎即日亡其胃陰尚得謂滋潤之劑宜屏絕乎余所以不敢阿好也

人鏡經曰內經云三陽結謂之膈蓋足太陽膀胱經水道不行手太陽小腸經津液枯涸足陽明胃經燥糞結聚所以飲食拒而不入縱入太倉還出噤嚨人之腸胃一日一便乃常度也今隔食之人五七日不使陳物不去新物不納俗醫強分為五隔十噎支派既多併喪其實標本不明是以火裏煨薑湯中煮桂胡椒末已革撥繼之丁香末已豆蔻繼之雖曰和胃胃本不虛雖曰溫脾脾本不寒此病之所以日盛也法當用三一承氣湯即次微下之後用芝麻飲啜之陳腐去而腸胃潔癥瘕盡而榮衛昌飲食自進矣

按此法雖偏而百無一生之症急用之尚有餘望否則逡巡觀望何濟於事 反胃症朝食暮吐暮食朝吐初患者尚可治王太僕云食不得入是有火也食入反出是無火也遵趙氏法以六味丸治隔症是壯水之主以制陽光以八味丸治反胃是益火之原以消陰翳而自愚論之食入反出脾失其消穀之能胃失其容受之能宜理中湯溫脾加麥芽以暢達一陽之氣與參朮消補同行土木不害而脾得盡其所能或吳茱萸湯溫胃藉吳萸以鎮納厥陰之逆氣合參朮甘溫相濟震坤合德而胃得盡其所能而猶恐中土大寒溫補太暖以乾薑吳萸附子華撥蜜丸以火化之速復恐燥熱上僭傷上焦細細之氣以沙參白朮茯苓麥芽五穀蟲甘草白蔻仁為求厚裏於外又以硃砂六一散為衣使溫和之藥在外先行於上而辛熱之藥由中焦以直達命門散腐水穀續以八味丸收其全功若病勢之甚第以八味丸緩服未免迂濶矣

子大吞二錢但飲熱湯及食煎薑輒嘔者有瘀血也

診脈

浮緩而滑

沉緩而長

治皆可

弦濇短少

為難治

大半夏湯

方見金匱

啟膈飲

方見寶鑑

三一承氣湯

方見時方

按久病與羸敗之人前方未免太峻余用麻仁丸及

高鼓峰新方代之高鼓峯悟王損菴治膈用大黃之妙融會一方頗為穩當方用熟地五錢當歸白芍桃仁麻仁各三錢微微潤之其形體如常即以前方內加大黃一二錢以助血藥

加減左歸飲之云腎乃胃之關門不補升降息矣關門即氣文 己任篇曰漏症一陽明盡之予治荆溪藩爾修

之隔用左歸飲去茯苓加生地當歸兩大劑而使潤食進又十劑而兩便如常飲食復舊蓋以左歸飲中有甘草

則直走陽明以和其中且當歸生地合用則能清胃火以生其陰胃陰上濟則黃門寬展故飲食能進胃陰下達

則幽門關門皆滋潤故二便如常去茯苓者恐其分流入坎不若專顧陽明之效速也

和中暢衛湯

紫蘇梗

五分

香附

醋炒

神麴

炒

沙參

各一錢

桔梗

連翹

去子尖

木香

四分

蒼朮

撫芎

貝母

各八分

砂仁

三分

生薑

三片

水煎服易思蘭自註云香附蘇梗

開竅行氣蒼朮健中貝母開鬱痰連翹散六經之火撫芎發肝木之困神麴行脾之鬱木香逐氣流行桔梗升提肺氣沙參助正氣而不助火此方提上焦之火邪乃火鬱發之之義也然徒用此方而不兼補下之藥雖能解散於一時其火無水制必然復生而痞滿噎隔之疾恐尤甚於前也 愚按內經云隔寒閉絕上下不通則暴憂之病也可見此病多起於鬱結不舒胃氣不能敷布所致張雞峯所謂神思間病是也方中雖是解鬱套藥而分兩多寡氣味配合似有獨得之妙又與八味丸間服所以多效喻嘉言資液救焚湯與八味丸間服亦是此意但救焚湯大涼大降流於奇險不如此湯之平易近人也

五噎丸

針

治胸中久寒嘔逆妨食結氣不消

乾薑

蜀椒

吳茱萸

桂心

北細辛

各一兩

人參

白朮

各二兩

橘皮

茯苓

各一兩

附子

炮

右為細末煉蜜凡桐子大酒服十五丸日三服漸加至三十丸

五膈丸

針

治飲食不得下手足冷上氣喘息

麥門冬

三兩

甘草

二兩

蜀椒

炒去

遠志肉

桂心

細辛

乾薑

炮各一兩

附子

一枚

人參

二兩

右為細末煉白蜜凡彈子大先食噉一丸細嚥之喉中胸尚熱藥丸稍盡再噉一

丸日三夜二服七日愈 張石頑曰二丸同用參附椒辛薑桂之類一以肝氣上逆胃氣不下而嘔噎用萸橘以

疎肝降逆芩朮以健脾通津一以腎氣不蒸肺胃枯槁而不納故用冬草以滋肺和胃遠志以補火生土又嘔噎

上海錦章書局石印

而藥食可進者頻與小丸調之隔塞而飲食不納者時用大丸噙之其立法之詳若此可不辨而忽諸

吳茱萸湯傷寒方見 理中湯丸方見 連理丸理中丸加黃連 八味丸方見 又改隔食反胃反嘔吐粒米不入

之症多係七情不遂激動其氣氣亂載血上逆菟積于中胃氣阻隔用生鴉血來熱飲之取其生氣未離以血攻血

直透關鑰引宿積之瘀一涌而出而胸脇豁然此法詳於蘇東坡瑣錄前輩金匱還公即韓慕廬東垣俱已驗效推

之生鴨血生黃牛血亦可用

西洋藥方錦囊秘授 治神隔食翻胃一切痢疾水瀉等症立驗

紅豆蔻去殼 肉豆蔻麩裏煨用粗紙包壓去油 白豆蔻去殼 高良薑切片炒 甜肉桂去皮 公丁香各研淨細末

分五 先用上白冰糖四兩水一飯碗入銅鍋內煎化再入雞子清二個煎十餘沸入好燒酒一觔離火置穩

便處將藥末入銅鍋內打勻以火點著燒酒片刻隨即蓋鍋內火減用紗羅濾去渣入磁瓶內用冷水去火氣隨

量少飲之

繆仲淳秘傳膈噎膏

人參濃汁 人乳 牛乳 梨汁 蔗汁 蘆根汁 龍眼濃汁 右

七味各等分加薑汁少許隔湯熬成膏子下煉蜜徐徐頻服之其效如仙丹

貝母糖酒方

好陳酒一觔 米糖十兩 貝母去心 砂仁 木香 陳皮各二錢 右咀片入磁瓶內

箬葉紮緊上放米一撮煮以米熟為度每日清晨服一大杯

糖薑餅 用糖坊內上好糖糟一觔 生薑四兩 先將糖糟打爛和薑再搗做小餅曬乾於磁瓶內置灶煙櫃

上每日清晨將餅一枚泡滾水內少停飲湯

八汁湯 治噎食

生藕汁 生薑汁 雪梨汁 蘿蔔汁 甘蔗汁 白菓汁 蜂蜜

竹瀝 右各一盞和勻飯上蒸熟任意食

牛羊人乳汁 治翻胃膈氣此證必起於腸枯血燥大便三四日一次糞如馬粟若如羊屎者不治口常吐白沫者

不治

牛乳

羊乳

人乳

不拘分兩總宜常服為生血潤腸之妙藥

瘧症

瘧疾不離少陽少陽為半表半裏邪居表裏之界入與陰爭則寒出與陽爭則熱爭則病作息則病止其後其邪仍據於少陽之經淺則一日一作深則二日一作更深則三日一作雖有別經總以少陽為主故仲景以弦字該本症之脈蓋於治法只一小柴胡湯熱多煩渴加知母花粉寒多身疼加乾薑桂枝治之得法一二服可愈朱丹溪云無汗要有汗散邪為主帶補正有汗要無汗補正為主帶散邪大抵於小柴胡湯中無汗麻黃可加二錢即三解湯意也有汗桂枝酒芍可各加二錢即柴胡桂枝湯意也如三五作不休即於前方加常山三錢一服即愈俗謂常山截瘧用之太早則截住邪氣而成他病不知常山祛痰涌吐從陰達陽之藥正所以鼓邪氣外出何截之有余每合川山甲金銀花三味取其通達經絡又以人參當歸白朮何首烏之類擇用一二兩為君於瘧未出時服之多愈至於方書分定名色多歧反惑而所應別者如單寒無熱為牡瘧宜理中湯理陰煎加柴胡主之單熱無寒為痺瘧或先熱後寒為熱瘧宜白虎湯加桂枝主之勞役飢飽過度為勞瘧宜補中益氣湯加柴胡主之受山嵐瘴氣為瘴瘧宜藿香正氣散平胃散加柴胡主之久瘧心腹有塊者名癰母以薑甲飲主之只此數症略宜分別究亦不離少陽一經也若瘧痢交作只以小柴胡湯疎少陽之氣則陷者自舉加花粉三錢滋陽明之液則滯者自通或即以此湯送香連丸一錢五分挾虛者以補中益氣湯倍柴胡煎送香連丸二錢此薛立齋先生之心法也小柴胡湯

方見傷寒

男

元犀按凡服治瘧藥宜瘧未至前三時服或煎兩服一服於瘧期五鼓時服留一服於瘧未至前二時服最妙

凡治瘧藥古法必露一宿以瘧為暑邪暑氣得露而消也 又近醫以初瘧忌用人參白朮茯苓此說本之嵩崖

尊生余雖不滿亦當從眾今即照嵩崖已去人參加青皮一錢五分 寒多加乾薑桂枝各二錢 熱多加知母

花粉各二錢或加黃連石膏 本方去人參加常山草蓰知母檳榔川貝母各二錢名清中驅瘧飲大意以無痰

不成瘧此方為治瘧之總方也然亦多效

驚甲飲

驚甲三錢

白朮少

黃耆

川芎

酒白芍

檳榔

草果煨

厚朴

陳皮

甘草各一

生薑三片

棗肉三枚

烏梅一個

水煎服

又有久瘧流連不愈及三陰瘧三日一作者當分五藏之虛而施溫補宜以景岳何人飲休瘧飲常服瘧作之期或加少陽藥一二味及常山川山甲附子金銀花之類以通經絡或用人參一兩生薑一兩濃煎服之此不截之截法也家貧者以冬白朮一二兩代之血虛者以當歸一兩代之瘧雖有五藏之分而久瘧證治法只以補脾為主蓋以土為萬物之母五臟六腑皆受陰焉况瘧為少陽之邪戊己之土久受甲木之剋扶弱抑強之法權實操於醫者宜於六君子湯四君子湯補中益氣湯諸方加之意焉

何人飲

何首烏

一兩不見銹或生用

人參二三錢

陳皮一二錢

虛煨生薑三錢

以水煎服

休瘧飲

何首烏

四錢或一兩參二三錢

白朮三錢

當歸三錢

炙草一錢

陰陽水服

又久瘧不愈必求之腎如腎水不足熱多者以六味丸加味主之腎火不足寒多者以八味丸加味主之高鼓峯醫案云余治一人三陰瘧不愈令吞八味丸服人參養榮湯冬至日再加附子一錢至半夜汗出而愈汗出者陽回之徵也愈於冬至日者以陽生而陰退也

瘧疾脈象

瘧脈自弦

浮弦表邪

沉弦裏邪

洪弦屬熱

遲弦屬寒

滑弦食積

久瘧之脈

微細虛弱

漸緩則愈

弦緊則殆

土敗雙弦

代散莫救

雄黃龜酒方

治三日久瘧神妙用活大烏龜一個連殼左右肩各攢一孔以明雄黃六錢研細末每孔摻入三錢外以磁黃泥包固勿令泄氣炭火上煨存性研末每服一錢空心陳酒送下二三服即止

香圓雄黃散

治瘧疾香圓一個去頂皮大者每隻加透明雄黃三錢研細末摻入香圓內炭火中煨存性再研極

細末每服七分用軟腐衣作六七包好咽下此日不可吃湯水任其嘔去頑痰

斑貓截瘧丹 種福

斑貓

巴豆肉

硃砂 各一

麝香 二分

雄黃 一錢五分

蟾酥 五分

右用黑棗三枚搗丸

如菜豆大貼眉心一周時揭下投長流水中

常山草果散 種福

常山

草果

川烏

草烏

陳皮

甘草 各一錢

用絹袋盛貯聞於

鼻間瘧即止不必煎服

椒雄貼臍丸 種福

胡椒

雄精

右二味等分研末將飯研爛為丸如桐子大外以硃砂為衣將一丸放在臍中外以膏

藥貼上瘧即止

木薑烏棗丸 種福

白朮 一斤

生薑 一兩搗汁并

右為細末將黑棗一斤煮爛去核為丸

桂麝椒雄膏 種福

桂心 一分

麝香 三厘

雄黃 五厘

川椒 七枚

共研極細末納臍中外以膏藥貼之

芋薺燒酒 種福

治不論雙單瘧用大芋薺將好燒酒自春浸至秋間如瘧至不貪飲食食則脹滿不下者每服芋

薺兩個三日即愈

痢症

王損菴云痢症不外濕熱二字所受不外陽明一經陽明為多氣多血之府濕陰邪也濕勝於熱則傷陽明氣分而為白痢熱陽邪也熱勝於濕則傷陽明血分而為赤痢濕熱俱盛則為赤白俱見初病即以芍藥湯主之大意以行血則膿血自愈調氣則後重自除真百發百中之奇方也若發熱頭痛脈浮而緊是風寒鬱而不解內陷而為痢宜以人參敗毒散鼓之外出苟得微汗其痢自鬆若徒用痢門套藥殺人不少大抵痢症漸久漸虛而用藥亦宜漸補

漸調四君子湯六君子湯四物湯補中益氣湯之類煎送香連丸是薛立齋先生活法余遵用甚效

芍藥湯

時方

治痢初起腹痛裏急後重者

小便短澀者加滑石二錢澤瀉錢半

腹痛者加砂仁一錢

難出者加當歸白芍各錢半甚者加大黃一錢

若食積者加山楂三枚

白痢者加陳皮砂仁茯苓各一錢

紅痢者加川芎桃仁各一錢

紅白相雜者加川芎桃仁以理血滑石陳皮蒼朮以理氣如嘔吐食不下者加

黑梔子蓮子去殼三錢倉米三錢入生薑汁一滴緩緩呷之以瀉胃口之熱濕

人參敗毒散

時方

加味平胃散

蒼朮二錢

陳皮

甘草各一錢

厚朴一錢

豬苓

黃芩

澤瀉各一錢

乾薑五分

白芍三錢

陳倉米五錢

水煎服

色紅去乾薑加當歸三錢黃連一錢

香連丸

時方

張景岳謂痢症是夏月畏熱貪涼過傷生冷至大火西流新涼得氣則伏陰內動應時而為下痢初起宜抑扶煎佐

關煎溫藥以調之導之久痢用胃悶煎溫補命門真火以扶脾土則痢自止景岳此說雖偏不可盡信而陰藏之人

素多寒病一有不慎即患此症不可不知余每於此症初起察其脈遲而細手足俱冷腹痛而裏急後重者以乾薑

二錢附子一錢吳茱萸一錢當歸三錢炙甘草一錢大黃白芍各一錢五分溫通之久痢每以八味丸與補中益氣湯

間服收功栗殼訶子赤石脂肉豆蔻兜瀉之藥不可早服久痢亦不可廢又噤口痢以人參一錢石蓮肉二錢川

連一錢入生薑汁少許緩緩呷之種福堂用五穀蟲三錢微炒研末以米湯送下又休息痢流連年餘不愈愈而

又作是兜瀉太早餘邪未淨宜巴豆仁一錢研去油淨當歸一兩萊菔子五錢炒同研為末以冬蜜為丸如桐子大

每空心以開水送下三丸至七丸以竭其餘邪自愈張石頑曰血色鮮紫濃厚者屬熱若瘀晦稀淡如瑪瑙色者

為陽虛不能制陰而下非溫理其氣則血不清理氣如爐治分金最為捷法設不知此概行疎利之法使五液盡隨

寒降而下安望有宣止之日哉以伏龍肝二兩取其溫煖土臟煎湯代水煮參朮苓草薑桂等藥多取奇效五色

痢是精氣受傷五液不守之患宜益火消陰實脾隄水兼分理其精氣即藥口不食者亦不出此法又曰丹溪治噤

口

口痢多用石蓮子今此物真者絕無余常用藕汁煮熟稍加糖霜頻服進多年陳米稀糜調其胃氣取效此即石蓮子之意也 又曰休息痢服補中益氣數劑不應反下鮮紫血塊者此久風成癰泄風氣通於肝肝傷不能藏血也三奇散倍防風加羌葛升麻其一切利水破氣藥皆為切禁

三奇散 治痢後下重

枳殼生

防風各一兩

黃耆二兩

為散每服二錢米飲下

伏龍肝湯丸 治胎前下痢產後不止

炮黑山查肉 一兩

熬焦黑糖 二兩

二味一半為丸一半為末用伏龍肝二兩煎湯代水煎末二錢送前

丸二錢日三夜二服一晝夜令盡氣虛加人參二三錢以駕馭之虛熱加炮薑肉桂茯苓甘草蕪感風寒加葱白香豉膈氣不舒磨沉香汁數匙調服

羊脂煎 治久痢不痊

羊脂 一匙

白蠟 二匙

黃連 末一升

酢 七合煎

蜜 七合

烏梅肉 二兩

亂髮 洗去垢膩燒末一升

右七味合納沙鍋中湯上煎之攪可丸飲服如桐子大三十九日三服 張石頑曰羊脂性滑利千金方用治久痢不痊專取滑利以通虛中留滯也其後且有羊脂阿膠蜜蠟黍米作粥方深得炎帝本經補中寓瀉之意

生死症及脈法

身不熱者輕 身熱者重 發熱不休者死 能食者輕 不能食者重 絕不食者死 發嘔者死 直腸自下

者死 久痢忽大下結糞者死 小兒出痘後即發痢者死 婦人新產即發痢者死 瀉為血少 尺微厥逆

滑大主積 浮弦急死 沉細無害

痢疾續論

次男元厚按近傳治痢有三禁一曰發汗蓋以下痢一傷其津液發汗再傷其津液津液去則胃氣空而下出之濁氣隨汗勢而上入胃中遂成脹滿難治二曰利水蓋以痢疾裏急後重滯痛難忍若前陰過利而後陰愈瀉而積滯之物欲下甚難三曰溫補蓋以痢為濕熱所傷得溫則以火濟火恐至腐腸莫救得補則截住邪氣多致流

連難愈此三者時醫傳受之心法也然亦有可不泥者醫學真傳曰凡痢疾初起發熱不休非肌表有邪即經絡不和溫散而調榮衛外邪一解其痢自鬆若概以為熱開手即用寒涼多有陷入變劇者不少故喻嘉言所謂下痢必從汗先解其外後調其內首用辛涼以解其表次用苦寒以清其裏一二劑愈矣用治痢之方再加發表之藥失於表者

外邪但從裏出不死不休故雖百日之遠仍用逆流挽舟之法引其邪而出之於外則死症可活危證可安人參敗毒散主之服後必有暫時燥熱頃刻此可見發汗是治痢之要法也又喻嘉言有急開支河一法謂熱邪之在裏者奔逼於大腸必鬱於膀胱膀胱結熱則氣不化而小便短亦不可用逆挽宜從其小便而順導之然而水出高源尤宜用辛涼之藥清肺之化源金匱有下利肺痛者紫參湯主之通因氣利詞黎勒散主之通以下涎液消痞食破結氣澀以固

腸脫通塞互用之意也亦見利水非古人所忌也至於溫補法詳於景岳金書如佐闕抑扶二煎非溫劑乎胃闕前非補劑乎雖矯枉之說不能無偏亦堪為肆用芩連查朴者之救弊也誰曰治痢有三禁乎 喻嘉言曰又有驟受暑濕之毒水穀傾囊而出一晝夜七八十行大渴引水自救百杯不止此則腸胃為熱所攻頃刻腐爛更用逆挽之法迂矣遠矣每從內經通因通用之法大黃黃連甘草一晝夜連進三五十杯俟其痢止渴緩乃始平調於內更不必挽之於外蓋邪如決水轉石乘勢出盡勿可挽也 又曰治瘧之法當從少陽而進退其間進而從陽則從少陽為表法固矣乃痢疾之表亦當從於少陽蓋水穀之氣由胃入腸疾趨而下始焉少陽生發之氣不伸繼焉少陽生發之氣轉陷故泛而求之三陽不若專而求之少陽俾蒼天清淨之氣足以升舉水土物產之味自然變化精微轉輸有度而無下利奔迫之苦矣况兩陽明經所藏之津液既已下泄尤不可更發其汗當從少陽用和法全非發汗之意津液未傷者汗出無妨津液既傷者皮間微微得潤其下陷之氣已舉矣

小柴胡去半夏加枳椇根湯方見金匱 喻嘉言曰此方乃少陽經半表半裏之劑原方用半夏之辛溫半兼乎表今改用括萸之涼苦半兼乎裏退而從陰則可進而從陽不勝其任矣但不必更求他藥惟於柴胡增一二倍用之尤為進之法也

人參敗毒散時方見 喻嘉言曰治人此方全不因病痢而出但余所為逆挽之法推重此方蓋藉人參之大力而後能逆挽之耳

能逆挽之耳

喻嘉言曰治人此方全不因病痢而出但余所為逆挽之法推重此方蓋藉人參之大力而後

能逆挽之耳

能逆挽之耳

能逆挽之耳

能逆挽之耳

胃關煎見泄

佐關煎景岳 治生冷傷脾瀉痢未久者宜此湯此胃關煎之佐也

厚朴炒

陳皮錢各一

山藥

扁豆

豬苓

澤瀉錢各二

乾薑錢二

肉桂錢一

甘草錢七分

水煎服

如腹痛者加木香吳茱萸之類泄甚者加故紙肉蔻之類

抑扶煎景岳

治暴傷生冷致成瀉痢初起血氣未衰者此胃關煎表裏藥也

厚朴

陳皮

烏藥錢各一

豬苓

澤瀉

炮乾薑錢各二

茱萸錢五分

甘草錢一

水煎服

斗門祕傳方方見

治毒痢藏府攪痛膿血赤白或下血片日夜不息及噤口惡痢他藥所不能治者立見神效

附子丸聖濟

治洞泄寒中注下水穀或痢赤白食已即出食物不消春傷熱風邪氣流連至長夏發為洞泄陰生於午至未為其長夏之時脾土當旺脾為陰

中之至陰故陰氣盛陰氣既盛則生內寒而洞泄矣

附子

烏梅肉各一兩

川連二兩

乾薑一兩

蜜丸桐子大米飲下二十丸

通聖散聖濟

治血痢腹痛日夜無度

大棗

烏梅枝各三

甘草三錢

乾薑一錢

水煎服

和中散聖濟

治冷熱痢腹痛裏急

附子一錢四分

赤痢減半 白痢減半 川連一錢四分

乳香一分

共為末米飲湯下未止用青皮再下二服

黑豆湯聖濟

治赤白痢服藥不止

黑豆炒去皮

甘草二兩

用綿裹入湖水煎二杯分二服

醫學從衆錄卷六

傷暑

夏日炎炎耗傷元氣故病必體倦脈弱身熱自汗煩躁面垢唇青李東垣以動而得之為中熱靜而得之為傷暑熱陽而暑陰也其實未確蓋以暑字從日暑即熱也何必分名但動靜二字是陰陽分別茲仍分動以得之靜以得之

以為此症提綱

何謂動以得之長途赤日荷重作勞因而致病如大熱傷暑而發熱頭疼與傷寒症同但傷寒脈浮而緊傷暑脈洪

目之用麻黃同義也大渴脈浮虛自汗以白虎人參湯主之更加身體重若是暑而挾濕宜蒼朮白虎湯主之若有吐瀉腹痛

此方不可輕用也若前症發熱身疼口渴咽乾或吐或瀉宜黃連香薷飲主之又有暑風症因暑氣鼓激痰火塞碍心竅以致卒倒不省人事宜吐之或以千金消暑丸灌之

白虎湯見傷一加人參二錢名白虎人參湯治汗出惡寒身熱大渴等症一加蒼朮二錢名蒼朮白虎湯治汗出

身熱足冷等症

黃連香薷飲時方見去黃連名香薷飲治同暑風發搐加羌活秦艽各一錢瀉利加白朮茯苓各一錢五分

虛汗不止加白朮一錢五分炙黃耆三錢心煩加梔子硃砂各一錢嘔吐加半夏二錢藿香陳皮各八分薑

汁少許

何謂靜以得之避暑於深堂大廈為陰寒所遏暑不得越手足厥逆者大順散主之霍亂吐瀉口渴者五苓散主之

不渴者理中湯主之亦有以二湯送下六一散三錢者巧法不可言傳也

大順散

乾薑一錢甘草八分杏仁六分皮尖炒肉桂六分共為末每服五錢水一鍾煎七分服如煩躁并花

調下三四五錢

又有遇夏即病秋後即愈是暑傷元氣如草木遇盛日則痿得雨露則挺名曰注夏症宜補中益氣湯照薛氏醫案去升麻柴胡加麥冬一錢五分黃柏各五分炮薑三分服三四劑又生脈散清暑益氣湯六一散皆却暑之良方

一切暑病不可須臾離之學者當於三方求其真旨難以縷陳

脈法

傷暑脈洪而虛

大蒜新及水方 治中暑法

大蒜 把同新黃土研爛以新汲水和之濾去渣滓入即活凡中暑傷暑不可便與冷物俟稍甦方可投冷物
則中氣運動無患也

田中乾泥團臍方 治中暑昏眩煩悶欲絕急救法取田中乾泥做一團堆在病人肚上使少壯人撒尿於泥團肚臍中片時即得甦矣後不可飲冷湯須進溫米湯

絲瓜白梅方 治中暑霍亂

絲瓜葉 一片

白霜梅 一枚並核中仁

右同研極爛將新汲水調服入口立瘥切不可飲熱湯

陳皮藿香湯

治傷暑急暴霍亂吐瀉方

陳皮 錢五

藿香 五分

右用土澄清水二杯煎一杯服之立愈

扁豆飲

治傷暑取扁豆葉搗汁一碗飲之立愈

鹽薑湯

治傷暑霍亂上不得汗下不得瀉身出冷汗危在頃刻者

食鹽 一兩

生薑 五錢切片

同炒變色以水一大碗煎服吐出自愈不可熱服好後切不可遽吃飯食俟餓極後方可吃稀粥

可吃稀粥

取新汲水法

俱見種福堂

治中暑昏眩煩悶欲絕急救挖地深三尺取新汲水傾入坑內攪濁飲數甌即愈

腫症

腫者腫於外脹者脹於內二症宜分看然二症相因亦宜合看

腫者皮膚腫大古人有氣水之分其實氣滯則水不行水不行則氣愈滯二者相因為病水脹篇以按其腹實而不

起者為氣腫按其腹隨手而起如囊裏水之狀者為水腫景岳反其說以水症按之實而不起此水在肉中如糟如

泥之象未必如水囊之比按之隨起惟虛無之氣其速乃然余閱歷之久知二說亦不必拘大抵腫微則按之隨起

腫甚則按之不起兩脇及轉動之處按之即起足面及膝股內側按之不起脾症不必以此為憑當於小便之利與

不利以分陰陽身之多熱與多寒脈之洪大與細微以分寒熱病之起於驟然與成於積漸及年高多病與少壯無

病之人分其虛實以先腹而後及四肢或先四肢而後及於腹分其順逆景岳云水氣本為同類治水者當兼理氣

益氣則水自化也治氣者亦當兼行水以氣行而水亦行也此症當與癰閉症參看 初患腫病氣喘不得臥以五

上海錦章書局印

皮飲為第一方蓋此方以皮治皮不傷中氣所以為妙 若腫而兼脹小水不利宜胃苓湯主之或以四苓散以半熟蒜搗丸服極妙

五皮散 按上身腫宜發汗加蘇葉荊芥秦艽各一錢五分 下身腫宜利水加赤小豆木通各一錢五分防己一錢 口渴多熱小便不利為陽水加滑石木通車前子麥冬各一錢五分木香五分 不渴小便自利多寒為陰

水加白朮蒼朮各二錢附子乾薑木香各一錢 脈滑實腹脹脇滿加生龍子一錢五分白芥子八分枳實一錢

半夏二錢 婦人經水不調而腫是血化為水名水分加紅花八分桃仁香附各一錢五分婦人經水通斷即腫

是水化為血名氣分加當歸三錢五靈脂醋炒一錢五分香附一錢五分 按服此方愈後必加減腎氣丸及六

君子湯之類收功

胃苓散 俱見妙用

四苓散加味為丸

白朮 炒一兩

茯苓 二兩

豬苓 一兩

澤瀉 一兩

研末以半熟蒜為丸如菰豆大開水送下三五錢

腫症積漸而成及久而不愈氣喘口渴不卧腹脹小便短少大便微溏一切危症不外薛氏加減腎氣丸主之 張

景岳曰內經云腎為胃關關門不利故聚水而從其類也然關門而何以不利也經曰膀胱者州都之官津液藏焉

氣化則能出矣夫所謂氣化者即腎中之氣也即陰中之火也陰中無陽則氣不能化所以水道不通溢而為腫故

凡治氣者必先治水治水者必先治氣若氣不能化則水必不利惟下焦之真氣得行始能傳化惟下焦之真水得

位始能分清求之古法惟薛立齋先生加減腎氣丸誠對症之方也余屢用之無不見效薛氏加減腎氣丸

熟地 四兩

茯苓 三兩

山茱內

山藥

丹皮

牛膝

澤瀉

車前

肉桂 各一兩

附子 五錢

煉蜜丸如桐子大每服三錢開水送下一日兩服 如素豐陽盛

三焦多火煩渴面赤喘嗽脈滑實此濕熱相因陰虛之證去桂附加麥冬主之醫學心悟云下焦濕熱去桂附加

黃柏蛤蚧粉最妙

麻黃附子湯 方見金匱 去附子加杏子石膏名杏子湯

又明醫指掌云腫勢大盛內而膀胱外而陰囊相連緊急阻塞道路雖加利水之劑苦無一線之通病何由去必開大便以逐其水隨下而隨補則病已去而脾無恙漸為調理庶可得生慎毋守利水之舊規也如腫勢未盛還以利水為上策 按此法惟少年體壯可以偶用否則不可輕試

脈色

脈沉遲大便滑小便利口不渴面青白為陰 脈沉數大便燥小便赤口渴面赤為陽 大抵脈喜浮大忌遲細 仲景云水腫脈浮者死謂腫盛皮膚甚厚脈浮於皮毛之外輕捫之如隔一紙是死脈

腫脹危候

大凡水腫先起於腹而後散四肢者可治先起於四肢而後歸於腹者難治 掌腫無紋者死 大便滑泄水腫不消者死 脣黑脣腫齒焦者死 臍腫突出者死 扶盞平者死 陰囊及莖俱腫者死 脈絕口張足腫者死 足跗腫膝如斗者死 肚上青筋見瀉後腹腫者死 男從身下腫上女從身上腫下皆難治

燈草薤蔔湯種福堂 治腫脹

燈草一大把先將水四碗煎至二大碗

薤蔔子微炒

砂仁微炒

將二味研末傾入燈草湯內略滾即盛入壺內慢

慢吃下吃盡不見效如前再煎一服俟腹响放屁小便長腫即退

脹症宜參看

脹者心腹脹滿實者脹起於驟然便實脈滑而實宜散之消導之攻下之虛者脹成於積漸小便利大便滑脈濇小虛微病在中焦以參朮補之病在下焦以桂附吳茱萸溫之或兼行滯之品而標本並治亦有與腫症相兼者當參看腫症辨症法

脹而屬熱脈實而滑者廓清飲主之

廓清飲

枳殼 二錢

薑朴 五錢

大腹皮 一錢

白芥子 五七分

茯苓皮 錢三

萊菔子生搗一錢如中不其服能食者不必用

澤瀉 錢二

陳皮 一錢

水煎服

脹而屬寒者胃苓湯主之兼小便不利者四苓散以苈為丸主之二方見
脹而屬七情所致者宜四七湯主之道遙散亦主之

四七湯

半夏 三錢

茯苓 三錢

厚朴 二錢

蘇葉 一錢

生薑 三片

水煎服

此方妙在紫蘇葉一味

辛以散結香以醒脾而順氣消脹行水乃其餘事

逍遙散時方見 此症宜加半夏二錢以降逆氣加生麥芽二錢以達肝氣蓋麥先春而萌芽得春生之氣最早也

脹而屬虛者脈微弱細小喜摩按二便利氣衰言微宜六君子湯理中湯合八味丸服之

單腹脹死症也或青年壯健起於驟然若心下堅大如盤者以金匱桂枝去芍藥加麻黃附子細辛湯直搗其痰水

氣血之巢穴嗣以枳朮散消補並施可救十中之一然此猶實症也若虛症難治攻之則速其危補之愈增其脹余

家傳有消鼓丹加白朮一兩試用四五劑不增脹方可議治但消鼓丹方中陽起石無真確確非從倭來亦不能效

故方亦不列 又名鼓脹以外實中空其狀如鼓也又名蠱脹易曰蠱極壞而有事也人病蠱者脾土敗壞身不即

死復有事也事猶病也

桂枝去芍藥加麻黃附子細辛湯方見金匱

枳朮散方見金匱

白朮 四兩

枳實 二兩

研末每服三錢穀芽湯送下

脈象

喜浮大忌虛小餘參看腫症脈

蘿蔔牙皂散 治五臟神方

蘿蔔子 四兩用巴豆十六粒同炒

牙皂 一兩五錢煨去弦 沉香 五錢

枳殼 四兩火酒煮切片炒 大黃 一兩酒焙

琥珀 一兩

右

共為末每服一錢隨病輕重加減雞鳴時溫酒送下薑湯下亦可後服金匱腎氣丸調理收功

蕉扇十金滑石散 治水腫